

DANKEN FÜR AN JEDEN DOG



Gegründet 1923

Allmannsau-
Lengmoos

Danka für an jeden Dog
den uns da Herrgott geschenkt hat.
Mia nehmma de Stund heit wahr
und bringan unsern großn Dank zum Altar.
Seit 100 Jahr besteht scho da Trachtenvverein
do drüber derfan mia uns wahrlich gfrein.

Am Anfang warn´s nur a etla Manna
de den Verein ham ogfanga.
Doch schnai hat so mancha a Freid dro gfoundn
und war mit´m Verein fest verbunden.
„Sitt und Tracht der Alten
wollen wir erhalten“.
Des is eana Leitspruch gwen
dea soits begleitn eana ganzes Lebm.

Es warn bestimmt ned lauta goidane Jahr
i moa, des is a olle klar.
Denn de Kriagsjahr sann net spurlos umiganga
und trotzdem hama an Grund zum Danka.
So mancha hat sei Hoamat wieda gseng
und hat gespürt Gottes Segn.

Mit frischn Muat und Gottvertraun
doans den Verein wieda müahsam aufbaun.
Vui guata Wuin und Ehrgeiz is do dahinta gwen
und wos draus worn is, des kann a jeda seng.
Daß der Verein net nur für große Trachtler ghert
hat se seit 50-Jahrn de Kinda- und Jugendgruppe scho bewährt.

Es is guat, wenn oit und jung fest zamahoitn
um des Mitand im Verein und im Lebm gestoitn.
Es soit a jeda des Guate und Erhaltungswerte weiter geben
und so den Gemeinschaftssinn im Verein pflegn.
Drum guit a großa Dank a dene Trachtlaeit
de den Verein so guat erhoitn ham de lange Zeit.

Doch wos dat uns des alles nützen
dat da Herrgott uns ned mit seiner Gnad beschützen.
Drum dank ma heit für jedn Tag
den da Herrgott uns und an Verein geschenkt hat.

Fini Berger